

geant, penitusq; ad considerationem, quo loco cōstituenda sint singula omnium opus sit euolutione cōmentario rum: quoniam in omnibus aliter de eisdem dicitur. Et si non inquirimus, quæ secundum quālibet speciem, de eodē exposita sunt loco, illa nos latebūt, ab errabimusq; in multis, quibus uero obseruatio cōtingere deberet. Proinde in ciuitatū dispositione, littorales aliquis facilius describere posset, si penitus ordinem quendā in ipsis obseruaret: mediterraneas uero non ita, quum nulla adhuc habitudo, siue inter ipsas inuicem, siue ad littorales illas sit signata, præterquam in paucis, in quibus euenit, ut nonnunquam longitudinis metra, aliquando uero latitudinis locus sit definitus.

In Caput decimum octauum annot.

Noluit Ptolemæus omnes Marini erratus hic corrigere, qui penè infiniti sunt, ne uideretur magis ædidisse opusculorum eius inuectiuā quā correctionem, cum in particularibus enarrationibus commode occurrerint castigandi. Reprehenditur deinde Marinus de inepta locorum descriptione, tam spherica quā plana, præsertim quod descriptionis in plano nullam idoneam tradiderit præceptionē. Ea namq; quā tradidit tam obscura est, ut iuxta eam difficile sit ueram orbis in plano institueret descriptionem, quæ orbis representet secundū longum & latum simulachrū. Deinde laboriosum est et errori facile obnoxium, sine præceptione ex antiquis exemplaribus etiā recte descriptis, nouas transferre descriptiones, & ab archetypo non aberrare. Accusatur postremo Marinus ab authore, quod lōgitudines locorū perpetā tradiderit. Nam alibi longitudes per horaria interualla & meridianos, & in alio tractatu latitudes per climata & parallelas descripsit, ut difficile sit ex his diuersis radicibus disponere orbis loca in superficie spherica aut plana, nisi prius hanc diuersitatem ad unam redegeris denominationem.

De cōmoditate enarrationis nostræ ad designationem orbis Cap. XIX.



Vapropter duplicem nos laborem suscipimus. Primum ut uisū opinionem per totā obseruemus cōpositionem, præterquam

in ijs, quibus rectificatio quædam contigit. Deinde ut ea quæ ab ipso manifestata non sunt facta, per historias moderniores, uel ordinē tabularū magis accuratarū quā commodissime aperiremus, quo descriptio debitum suum assequi posset decorem. Quinetiam facilioris modi gessimus curam. Nam super omnes prouincias singulatim proprias circumscriptiones, qualesq; tam secundum longitudinem, quā latitudinē positiones habeāt, diligēter ordinauimus, ac insuper potissimarū gentium, quæ in illis degūt, adinuicem habitudines, necnon insigniorū urbium, ac fluminū, sinuūq; & montiū, ac aliorum, quæ in orbis tabulā incidere possunt, exactas distātiās: hoc est, quot distāt partibus, qualium est circulus maximus trecentarum sexaginta: secundum longitudinem quidem, meridianus per locum descriptus, ab eo qui occidentalem finem terminat super æquinoctiali: secundum latitudinem uero per eundem locum scriptus parallelus ab æquinoctiali super meridiano. Sic enim confestim uniuscuiusque loci positionem cognoscere poterimus, necnon per diligentiam locorum particularium, prouinciatarum etiam inter se habitudinem, ac ad totum denique orbem.

In caput decimum nonum annot.

Afferit hic author, se emendasse Geographiam Marini, subiisseq; duplicem laborem. Vnus fuit, quo discreuit ea quæ non satis emendata uidebantur, ab illis quæ recte castigationis censuram fuerant assecuta. Alter, quo decenti emendatione uerificatis locorum positionibus, adscripsit numeros longitudinis ac latitudinis, ut scilicet loca ipsa in tabulis & terrarum descriptione certius disponentur, aptioraq; fierent ad inscribendum. Narrauit præterea Ptolemæus quod prouincijs singulis suos terminos, quibus ad quatuor mundi plagas clauduntur, assignauit. Postremo dicit, quod in sequentibus suæ geographiæ libris, qui Marini uoluminum emendatio existunt, celebriorum ciuitatum, fluminum, sinuum & montiū positiones, tam in longitudine quā in latitudine exactiores tradiderit quā Marinus ipse.

De mensura